



Notat

Frå:

Rådmannen

Til:

Kommunestyret

Svar på spørsmål stilt til rådmannen i naturutvalet 29.08.2023

Saknr/Journalnr

20/25/23/9058//JEB

Arkivkode

FE-033, TI-&29

Dato:

13.09.2023

I naturutvalet 29.08.2023 vart det stilt nokre spørsmål til rådmannen. Dette var spørsmål som rådmannen ikkje kunne svare ut i møtet. Rådmannen avklarte med utvalet at svar skulle gjevast skriftleg i kommunestyremøtet 14.09.2023.

1. Vedlikehald av Steinslandsvegen/-bakken opp mot krysset mot barneskulen

Frå møteprotokollen for naturutvalet 29.08.2023: «Det vart etterlyst enkelt vedlikehald av Steinslandsvegen/-bakken opp mot krysset til skulen. Er det råd å lappa asfalten på enkelt vis som gjev godt resultat?»

Svar frå rådmannen: Det har i år vore svært vanskeleg å få tak i «lappemasse». Det kan gå heilt ut til oktober før det vert produsert noko dette. Det er ikkje budsjettmidlar til å asfaltere vegen, men teknisk drift kjem til å få lappa nokre holer når «lappemasse» vert tilgjengeleg.

2. Utbetring og asfaltering av kommunal veg Tveitamyra/-flatane

Frå møteprotokollen for naturutvalet 29.08.2023: «Det vart vist til at sektor for samfunnsutvikling hadde lova frå talarstolen i KS før oppstart av arbeidet med vegen i Hagabakkane at Tveitamyra-området (vegen siste stykket) skulle opparbeidast/setjast i stand etter at anleggsperioden var over. Vegen har blitt vesentleg forverra i anleggsperioden. Kva er status for dette?»

Svar frå rådmannen: I vedlikehaldsplanen er utbetring og asfaltering av Tveiteflatane/-myra ført som prioritert tiltak i økonomiplanperioden 2024-27. I rådmannen sitt budsjettframlegg vil prosjektering av tiltaket truleg vere med med i investeringsbudsjettet for 2024. Dette vil gje kommunestyret grunnlag for å prioritera og løyva midlar til utbetring av vegen i økonomiplanen.

3. Oppfølging av langtidsparkerte bilar og tilhengar på parkeringsplassen ved brannstasjonen

Frå møteprotokollen for naturutvalet 29.08.2023: «Det vart etterlyst oppfølging av langtidsparkerte tilhengarar og bilar m.m. på parkeringa ved brannstasjonen.»

Svar frå rådmannen: Teknisk forvaltning har årleg ein «rydde»-aksjon med å få fjerna vrak m.m. på kommunale parkeringsplassar, og tek i år sikte på å gjennomføra denne aksjonen i løpet av hausten. I samband med gjennomføringa av avbøtande tiltak i branngarasjen, er garasjen tømt for diverse utstyr. Noko av det som står på parkeringsplassen er kommunalt utstyr, som må stå der til arbeidet er fullført. Det er eit mål å få sett opp nye skilt og merka opp parkeringsplassen på nytt for å hindre langtidsparkering, men dette føreset at ein finn

nødvendige budsjettmidlar. Det er også eit må å få på plass ei løysing for å følgje opp med bøtelegging for feilparkering.

4. Kantklipping langs kommunale vegar

Frå møteprotokollen for naturutvalet 29.08.2023: «Det vart stilt spørsmål om kva dato ein startar opp kantklipping. Rådmannen orienterte om at det har blitt naudsynt å utsetja dette på grunn av mellom anna punktutbetring på Liavegen og Indre Tyssevegen.»

Svar frå rådmannen: Teknisk drift følgjer eit årshjul for kantklipping. Gjennomføringa av dette føreset at det ikkje oppstår andre driftsbehov som må få høgare prioritet. Ved kantklipping éin gong i året, vert klippinga utført på hausten med oppstart i september. Teknisk drift har prioritert kantklipping langs vegar til skular og barnehagar, og andre vegar der mykje folk ferdast og det er mykje vegetasjon. Det har ikkje vore ressursar til kantklipping to gongar i året (klipping både om våren og hausten). Teknisk drift vurderer som følgje av manglande kapasitet å setja ut kantklippinga til eksterne aktørar. Det er i denne vurderinga òg eit moment at kantklipping krev noko spesialutstyr som er kapitalkrevjande å kjøpe inn og halde vedlike.